

9. maj

UPA2016/67

Nunatsinni erngup nukinga atorlugu pilersuinissamut kiisalu avammut niueruteqarnissamut periarfissat unammilligassallu erngup nukinganik nukissiuuteqarfiusuni piukkunnaatilinnilu Naalakkersuisut nalunaarusiornissamut peqquneqarnissaannik Inatsisartut aalajangiiffigisassaattut siunnersuut. Nalunaarusiami erngup nukinganik nukissiorfinnik pilersitsinissamut aningaasalersuinissaq kiisalu tamatumunnga periarfissat ilaatinneqassapput. Nalunaarusiaq kingsinnerpaamik inatsisartunut UKA2017-imi saqqummiunneqassaaq.

(Inatsisartunut ilaasortaq Anthon Frederiksen, Partii Naleraq)

Siullermik Naalakkersuisooqatigiinniik oqaatigerusupparput siunnersuuteqartup siunertaa paasisinnaagatsigu.

Ilaatigummi Naalakkersuisooqatigiit isumaqatigiissutaannut naapertuupput eqqarsaatit. Kalaallit Nunaanni erngup nukiga atorlugu innaallagasissiorfiit annertuut ukiuni kingullerni siuarsarneqarnikuupput, tamanna takorloorneqarsinnaavoq piffissaq ungasissoq isigalugu nunatsinnut aningaasarpassuarnik sipaarutaaffiusoq, avammut uuliamik pisiniarneq ilaatigut apparsarneratigut.

Aammalu oqaaluuserineqartarpoq suli annertunerungaartumik siursaaneq periarfissaqartoq, allaallumi takorloorneqartarluni innallagiaq pilersinneqartoq nunanut allanut nioqqutigineqarsinnaanera. Tamanna maannamut pilersissimanngilaq, taamaattoq soqutiginarluinnarpoq paasissallugu periarfissat suuppat, ullumikkut teknologi pigineqartoq aallaavigalugu qanoq piviusorsiortigippat, imminut akilersinnaappaat allallu paasissutissat ilisimasariaqakkat.

Kiisalu nukissiuutit ataavartut allat, ikummatissanik atuinittinnut apparsaataasinnaasut aamma soqutiginaateqartipparput paasisaqarfiginerussallugit.

Taamaammat Naalakkersuisut nukissiornermut suliassaqarfimmut pilersaarut taaneqartoq 2017-imi saqqummiunneqarnissaa naatsorsuutigineqartumut attuumassuteqartoq una aaliaangiffigisassatut siunnersuut Siumumiit ilalernartipparput.

Taamatut oqaaseqarluta siunnersuut aappassaaneerneqarnissaa taamatut isikkoqarluni pissasoq
innersuupparput.

Qujanaq.

Jens-Erik Kirkegaard

Siumut